



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Statv Religionis Christianae, Per Evropam, Asiam,
Africanam, Et Orbem Nouum, Libri IV.**

Le Mire, Aubert

Coloniae Agrippinae, 1619

Cap. XXIX. De Principatu Arausionensi.

urn:nbn:de:hbz:466:1-11108

Societatis Iesu moderantur. Tertium locum obtinet *Fanum S. Nicolai*, municipium amplissimum : in cuius templo adseruatur ex D. Nicolai Myreenfis Episcopi manu Articulvs vnus, inclusus auro, multis gemmis interstincto. Vnde huius loci nata primum amplitudo, pijs aduenis vndique confluentibus.

Lotharingia varijs Episcopis in spiritualibus subest: quos inter sunt, Metensis, Tullensis & Virdunensis. Eas vrbes olim Imperiales Henricus II. Galliae Rex in suam redegit potestatem.

CAPVT XXIX.

DE PRINCIPATV ARAUSIONENSI.

Prinicipatus hic nomen habet ab vrbe primaria Arausione, vulgò *Orange*, quæ Episcopum habet, Arelatenfi Archiepisc. suffraganeum, & Academiam, itemque Senatum seu Parlamentum, ad quod fit Prouocatio à Iudicijs minorum aliquot opidorum.

Olim ad Cabillonensem, nunc ad Nasauiam gentem spectat. Cùm namque Philibertus Cabillonensis, Princeps Arausionensis, Prorex Neapolitanus, Caroli V. Imp.

Imp. nomine, in obsidione vrbis Florentiæ anno 1530. occubuisset, soror eius vnica & hæres Claudia Henrico Nassauio in manum conuenit. Renato Henrici filio anno 1544. in obsidione Landresiana extincto successit Guilielmus eius patruelis, qui turbarum postea apud Belgas auctor exstitit, & Delfis Barauorum anno 1584. perijt.

Guilielmi filius Philippus Guilielmus, post multorum in Hispania annorum custodiam, à Serenissimo Archiduce Alberto, Belgarum Principe, in Belgicam reductus, vt erat Religionis Catholicæ studiosissimus, eandem in Principatu Arausionensi restituit, & Bruxellis anno 1618. moriens Mauritio fratri suo & hæredi tabulis testamenti commendauit.

CAPVT XXV.

DE BELGICARVM PROVINCIARVM STATU.

Germania inferior, siue Gallia Belgica prouincijs hodie XVII. continetur. Sunt in his Ducatus IV. *Brabantia, Limburgi, Lutzenburgi & Geldria*: Comitatus VII. *Flandria, Artesia, Hammonia, Hollandia, Zelandia, Namurci & Zutphania*: Marchionatus